



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exhortationes|| Ad|| Religiosos

Dirckinck, Johann

Coloniæ Agrippinæ, 1704

Reg. 12.

[urn:nbn:de:hbz:466:1-51834](#)

REGULA XII. SUMMARIL
EXHORTATIO I
IN EANDEM.

Declarat abnegationem & mortificationem internam ac exteri-
nam sub gemini gladii schemate.

THEMIS.

*Si quis vult venire post me, abneget semetipsum, & tolle
crucem suam, & sequatur me. Matth. 16. 14*

VEL:

*Impensis studium cuiusque fit, querere maiorem suum
Domino abnegationem. Reg. 12.*



Mantissimus Redemptor noster, est. At illi dixerunt: Domine, ecce duc nos hunc gladios symbolico, mythisque sensu, optimè intelligimus, geminas virtutes, abnegationem & mortificationem; internam scilicet & externam. Ad binos autem hunc gladii comparandos, necesse est vendere sacerdum, peram & tunicam. Primo sacerdotem id est curam & sollicitudinem carnis cominodorum ejus; & quā id ratione prestandum sit Regula 28. & 29. ostendit. Deinde peram, id est, amorem omnem proprietarium paupertati repernantem. Qui vero id intelligendum, Regula

Regula 23. 24. 25. 26. de paupertate, clare exponit. Denique vendere oportet tunica, id est, omnem amorem proprium, ac præcipue, estimacionem sui; quo verò pacto id effici debet Regula 31. & sequentes declarant. Quamvis etiam possimus dici acquirere, tamen emere binos illos gladios, seu virtutes, abnegationem & mortificationem, dum illas assidue exerceamus, atque ita illarum ope perfectio nem acquirimus. Hoc intendit praefens Regula 3; atque hoc sensu continuo usurpat illi duo gladii tam sunt praetulari, ut si quis illos in Societate nostra habeat, Christus Dominus afferat, fatus est. Quia tendit ad perfectionem magnis patibus.

Exponemus igitur quomodo gemini hisce gladii uerendum sit, juxta Regulam 12. ut ea, que à S. Patre, in undecima, proposita sunt, assequamur.

I. Primus gladius est abnegatio sui. Dicitur gladius, quia noxia amputat, vita relectat, & dolorem quandam parti inferiori hominis infert; sed quia interior est, & palam non videtur hæc abnegatio; est quasi gladius reconditus in vagina; & conferri potest, cum gladio, quo Sanctus Petrus non est ullus. Quid vero est hæc abnegatio? Eam definit Sanctus Basilius, Est tota's præteriorum oblitio, & recessus à proprio voluntatis. Vel est hominis inferioris per superiorum correcio: Vel est animalis homini per spiritum subjectio, seu appetitus sensitivus per rationem coercito; qui appetitus in Scripturis divinis Caro nuncupatur:

Mm equum,

tur: *Caro concupiscit aduersus spiritum, Spiritus aduersus carnem: Ut omne quod carnis indomita male lubet, Spiritus generosè & constanter deneget. Finite Medicum infirmo noxios cibos pertinenti denegantem. Cogitate Patrem filio insipienti, stolidè multa postulantib; omnia obtutura subtrahentem.*

Ratio fidei lumine illustrata, & Dei gratia munita, tanquam Pater est, qui in appetitu suo sensitivo, bimas habet proles, Filiam & Filium; illa concupisibilis appetitus est, hic irascibilis. Filia, perit semper, grata, amœna & jucunda sensibus, cupit videre, pulchra & speciosa, sive liceat, sive non liceat cernere. Optat audire, quod animum turbat vel inquietat, vel fatem à Dei consideratione distrahit: petit tangere blanda, quæ vase fictili fracto thesaurum dissipent, quem in valis hujusmodi pretiosum portamus: gestit olfacere rosas, lilia, & lama: desiderat gustare omnes dulces, spesidas & delicias, ac vinas suæ: perit dormire diutius, cubare in aliis, liberari à corporeis molestis, perisseque operibus; appetit recreaciones, deambulationes, confabulationes privatas, sensuales amicitias, mundum inuilebrem, gemmas annulos, theristra, rara cimelia, inaures armillas, specula, aliisque ornamenta pretiosa. Quid vero ad hæc piudens ratio? Tanquam Pater discretus, negat filie noxia adhibet gladium, refecat superflua, & solu[m] concedit necessaria omninoque convenientia. Pari ratione Filius, id est, appetitus irascibilis petit gladium, sclopétum, bombardam,

equum, aliisque arma : cupit se verbo aut facto vindicare ; si id non concedatur, alterum contemnere, despicer, invidere, ita contabescere, de alterius infortunio gaudere. Quid hic rursum faciat Parens? Gladium adhibet, seripsum est enim: *Maledictus qui prohibet gladium suum à sanguine.* Jerem. 48. 10. id est, ab illicitis, seu à peccatis. Qui hic gladium otiosum in vagina & rubigine obductum retinet, maledictus est. Hinc resecat vindictam, jugulat iram, permit invidiam & superbiā. Abnegat omnia. Et hæc est abnegatio quæ ad perfectionem & sanctimoniam viam stenit. Subter ferū appetitus tuus, & tu dominaberis illius. Gen. 4. 7. Tunc autem dominaberis, si abnegaveris. Atque hoc est quid volebat Christus Dominus Matth. 16. *Si quis vult venire post me, abneget semetipsum.* Luce c. 9. 14. additur: *Et tollat crucem suam quotidie.* Idem desiderabat Sanctus Fundator noster Reg. 11. Majusc. 1. studium sit, querere in Dominom maiorem sui abnegationem, & continuam in rebus omnibus, quoad poterit mortificationem.

Verum oggeret fortasse quispiam velutrum: Ergone Tyrannus est aliquis Sanctus Ignatius, qui noltris se cruciaturibus & asperitatibus oblectet? Cui jucundum accidat, filios suis dilectissimos, continuis abnegationibus, vim sibi inferre, cupiditatibus frenum injicere, omnia grata & amœna mortificationis gladio amputare? Cui gravatum sit, socios suos ciliciorum asperitate compunctos, flagrorum diritate laceros, atque disiectos, famelicos, siti-

bundos, humiliatos, afflitos, omnesque in hoc orbe solatio destitutos inquietari? Huic respondendum est, vel ex hoc ipso colligi, quantum boni in abnegatione lateat; cum S. Patriarcha eam tantopere filii suis commendet. Et singularem profectò in hoc suumergamus amorem patetfacit. Declaramus id similitudine. Si quis Pater Filium haberet præclarum, omnibus naturæ talentis probè instructum, pulchritudine, morum elegantia, modestia, eloquentia, carterisque donis naturalibus exornatum; sed in valetudinario publico decubantem videret, admodum jam deformem, phreneticum, adeoque debilem, ut nec brachium movere queat; palato aurem ita viriolo, ut solis immunditiis, fodiib[us]q[ue] visitaret; atque remedium ipsa nolleret, quo non mortem solūm arcere, sed integrum valetudini restituere miserum valere. Nunquid crudelis, impius, aut proflus inhumanus parens foret, si hoc medicamentum celaret, & Filio non præberet? An non ejusmodi parens filium oīis gravissimo prosequi jure censereret? Tales Filii nos sumus, ægri, debiles, phrenetici, facibus cupiditatum & vitiorum fodiibus nos oblectantes; ob naturæ depravatae & infirma miseria. Noverat è divinis literis unicum remedium Sanctus Ignatius, scilicet abnegationem & mortificationem continuam; quæ sanitatem recuperare possemus; an non igitur crudelis fuisset hoc alexipharmacum nos celando? An non maximo nos beneficio obstrinxeret illud nobis suppeditando? Ita est, Chrysostomi:

rissimi : Nam hoc medio viriorum morbos sanamus , inordinatos affectus componimus ; abjectis sordibus , cibos faenos manducamus , appetitus exorbitantes cogimus in ordinem , purgamus intellectum , renovamus Spiritum , in pristinam afferimur libertatem ; atque in majori , quam unquam fueramus , gratia , perfectionis & sanctitatis gradu collocamur.

Deinde si perpendamus , quam brevia , quam futile , quam inania sint illa bona & fallacia , qua cupiditatibus obsequendo obtinemus , & nos abnegando repudianus , longe majus abnegationis bonus , & Sancti Ignatii ~~team~~ praescientis beneficium esse agnoscemus . Quid enim sunt ista omnia , in quæ uterque appetitus noster tanto ardore rapitur , & quæ nos abnegando abjecimus , nisi umbras veri boni , gaudii , & quietis non ipsiusmet bonum , gaudium & quietis ? Utpote qua in momento transeunt , & in noctu oculi clauduntur : Et merito somnia , tenimeque appartenentes imagines nuncupantur . Psalm. 75 .

Dormiebat somnum suum . Et Psalm. 32 . Vlat somnum surgentium (quando iam à resurrectione transi somnum) Domine , in civitate tua imaginem ipsorum ad nibilum rediges . Hinc pulcre Livinus Brachtius , Poeta Christianus :

Luxus , delicia , pompæque seculi ,
Fasces , nobilitas , stemmata , purpura ,
Nomen , divitiae , fluxaque gloria ,
Ecquid sunt aliud , quam breve
somnia ?

Umbra sunt . Transférunt omnia
tangunt umbra , Sap. 5 . Ac proinde mini-

mè faciant . Non satiarunt oculus visu , nec auris auditu , nec Odoratus suffitu , nec gustus cupediis , nec Tactus deliciis . Non satiarunt Mathusalem artas ; Alexandrum felicitas ; Salomonem Sapientia ; Samsonem fortitudo ; Abafalonem pulchritudo ; Cœlum dixit ; Sardanapalum voluptates non expleverunt : Biberunt aquam maris saltam , qua sitim accedit : Nullus dicit : satis est ; omnes plus ultra : quare omnia verè imagines sunt , umbras sunt , modicum & nihilum ; ut recte Sanctus Bernardus Sermon de S. Clemente innuit : Omnis delectatio huius mundi , omnis gloria eis , & quidquid denique concupiscitur , pro�us modicum est , in illius beatitudinis comparatione ; si tamen vel modicum , dicit debet , & non potius nihilum , vapor ad modicum patens . Imò non solum vanas & caduca , sed & noxias sunt , impedimenta salutis , & vincula & funes , quibus tot millions hominum trahi sunt , & trahuntur hodie ad interitum sempiternum .

Quis igitur salutis & perfectionis avidus hoc abnegationis gladio , à S. Patre nostro , imò ab ipso Salvatore porrecto , non strenue utatur ? Quis sive appetitus concupiscibilis allicit sive irascibilis conciter , non generose omnia malorum irritamenta , blandimenta sensuum , & salutis , sanctimoniaeque impedimenta resecet , & averteret ?

II. Alter gladius est mortificatio exterior , eaque continua , ut suaderet regula , in rebus omnibus quæ omnia illa abducindantur , quæ interior abnegatio

^{2.}
Glaudius
mortifi-
cationis
externæ

Mm 2 ampu-

Pekin
XVI

amputanda judicat. Insinuat illud Dominus; quando afferit: *Si quis vult post me ventre, abneget semetipsum & tollat crucem suam & sequatur me.* Matth. 16. Prius oportet abnegare se, id est, omnia, quæ Mundus amat, & Concupiscentia appetit, tanquam vilia, vana, & noxia, detestari & fugere. Deinde sequitur: *Tollat crucem suam.* Id est, gladium mortificationis adhibeat, omniaque actu resecet. Hanc mortificationem quoque suadet Doctor Gentium ad Galat. cap. 5. *Qui Christi sunt, inquit, carnem suam crucifixerunt cum virtutis & concupiscentiis.* Ubi per carnem, intelligit totum hominem carnalem, de quo idem ad Coloss. cap. 3. *Mortificate membra vestra, quae sunt super terram.* Manus, pedes, oculos, aures, linguam, *cum virtutis & concupiscentiis,* id est, affectibus & amoriibus terrenis, quibus affixi estis: semper per gladium portantes, semper resistentes.

Mortificatio ista rectè gladio S. Petri comparatur, quo Malcho auriculam abscedit: nam & nos eo gladio abscedere decet, imperfectiones omnes; non solum auriculam, sed & manus, & pedes, & oculos & linguam, omniaque reliqua, qua perfectionem nostram sufflaminant. Melius enim est, Salvatorem teles, cum uno oculo intrare in vitam eternam, quam duos oculos habent, mitti in gehennam.

Ad hanc verò nunquam pertingimus, nisi hujus gladii usus sit assiduus, & mortificatio nostra sit continua: quia ex corrupta nostra natura continuò de-

fluunt imperfectiones, tanquam ex fonte rivuli, aut ex mari flumina, que animæ nostræ Cymbam ad imam trahent, nisi continuò eas per mortificationem impediremus. Navigamus etiam tanquam naucleri, in mari mundi hujus, quali adverso flumine, contra fluxum luctantes & obnientes, unde nisi assidue remigemus, & veluti horâ ab opere delistamus, plus amittimus, quam pluribus horis acquiescimus.

Continuus itaque sit gladii usus, continua abscessio, continua in omnibus mortificatione. 1. In omnibus horis diei a puncto signi horâ quartâ dati ad somnum usque, immo & per noctem. 2. In omnibus exercitiis, surrectione, meditatione, labore, corporis refectio, &c. 3. In omnibus sensibus, visu, auditu, gustu, odoratu & tactu. 4. In omnibus rebus externis, in vestibus, cibis, lecto, cubiculo, supellectile. 5. In omnibus affectibus, passionibus, concupiscentiis, desideriis inutilibus. 6. In omnibus tribulationibus, temptationibus, morbis, crucibus, & quibuscumque adversis. Atque hoc nostrum debet esse studium, ut vult Sanctus Pater noster, mirum ut tantam adhibeamus diligentiam in acquirenda per mortificationem continuam sanctimoniaz; quantum literatum studioſi inacquirendā doctrinā. Quo in genere exemplo praeclarissimo præluxit Sanctus Franciscus Borgia in mortificatione continua extrema & interna: corpus ut hostem trahendo, imbris & ventos amicos compellando, pharmaca amarissima forbillando,

billando, catapotia & pilulas commandando, carnem flagellando, ciliis horridis comprimendo, & in horum instrumentorum defectu, capillos evellendo, puncturis & unguium profusis ad livorem & sanguinem carnem vellicando. Nec verum Religiosum agnolcebat, qui non quotidie, saltem quater & vices sibi moreretur: & mœstiam infelicitemque sibi noctem obvenit dicens, si nullâ sui sensu[m]que victoria preparatum oppimeret. Tan-

nerus in vita pag. 133.

Finio & concludo verbis Apostolorum: Ecce duo gladii hic. Ecce duo præstansissima & efficacissima, perfectio[n]is acquirendæ instrumenta, usu futura ad hoc, ut abhorreamus ab omnibus qui mundus amat, & amemus, quæ Christus Dominus noster comple[x]us est. Estine, Charissimi, vobis seruum ad illum apicem perfectionis descendere, quemadmodum Regula decima & vocatio divina à nobis exigit? Semper binos hos gladios manibus præferamus. I. Abnegationis continuæ

ternitate felici, gaudium
perenne invenies
mus.



Mm 3

EXHOR-

Z. Pocken
XVI

EXHORTATIO II.
IN REGULAM XII. SUMMARII.

Probat mortificationem continuam, omnibus quidem Religiosis; sed cum primis Hominibus Societatis, ex officio incumbere.

THEMA.

Semper mortificationem JESU in corpore nostro circumferens; ut & vita JESU manifestetur in corporibus nostris.

2. Corinth. 4. 10.

VEL.

Majus cuiusque studium sit querere continuam in rebus omnibus quoad poterit mortificationem. Reg. 12.



Pud Romanos æquè atque apud Hebreos olim nuptias coëmprione quâpiam institui solitas, tum sacrarum, tum profanarum hitoriarum monumenta commemorant. Hâc ratione Oseas Propheta uxorem emit quindecim argenteis. *Osee 6. 3. 2.* Pari modo Patriarcha Jacob Rachelem duplikato laborum septennio ac servitute sibi comparavit. Ipse Dei Filius Dominus J E S U S sanguine suo & trium ac

triginta annorum labore Ecclesiam sibi Sponsam acquisivit. *Act. Cap. 10.* David quôque Saülis Regis filium obtinere sponsam nequirit, nisi assi, præsenti vita periculo centum præputia Philistinorum, tanquam dorem, Regi numeraret. Acceptavit David lutes conditionem, exivit in prælium, gladium strinxit, Philistinorum omnino ducentos trucidavit, eorum præputia Regi attulit; atque ita in Sponsam Filiam Regiam obtinuit, generique Regis evaluit. *1. Reg. 18. 25.* Terrenas ac carnales nuptias omnes quotquot

quotquot adsumus, dudum sprevimus. Non ambimus Sponsam, quam mors nobis avelat, sed que nobiscum vivat & regnet in ætum. Spes haec, si nomen recire aveatis, perfectio & vita sanctimonia nuncupatur: Etque Filia Regis cælestis nobilissima, speciosissima, dilectionis. At quo eam prelio nobis comparabimus? Non quindenies argenteis, ut Oleas; sed labore affidio & indefesso, ut Jacob: sed sanguine & mortificatione continua, ut Christus Dominus noster; sed pugna indefinienti, ut David; gladium stringendo & amputando centum præputia Philistinorum: id est, abnegatione continua passionum & vitiorum nostrorum. Hoc à nobis reposuit vocatio nostra, hoc Regula requirit, hoc exigit vita religiosa; sed vel maximè Professio Societatis JESU: veluti exhortatione præfante declarabimus.

I. Mortis & mortificationis sicut paronymia, ita & analogia magna est. Mors autem, ut docet Seneca Lib. 6. q. natur. c. 32. est lex naturæ tributum officium mortaliū, ac malorum omnium redūcum. Quid autem mortificatio? Est Lex non naturæ, sed gratia, promulgata ab Apostolo ad Colos. 3. Mortificate membra vestra, qua sunt super terram. Lex haec omnes quidem, sed potissimum vita religiosa. Sectatores obstringit. Est tributum officiumque mortaliū, quo suum cuique penditur; & Deo, quod Dei est; Cæsari, quod Cæsar est; Proximo, quod Proximi est; sibi, à quovis, quod suum est. redditur: tributum hoc ab omnibus præstandum, hoc officium à nemine non exequendum;

licet ab asceticis potissimum. Est denique omnium malorum remedium, ab Adamo in posteris, corumque naturam corruptam promanantium. Quod naturam depravatam restituit; intellectum exercitum illuminat; voluntatem infirmam corroborat; appetitum furentem compescit; sensus fallaces corrigit; corpus deficiens & collaborens sustentat; peccata rejicit; vita extinguit; inordinata componit: & sicut mors animam hujus vitæ malis eripit, & in statum immortalitatis & immutabilitatis mittit; ita mortificatio ab inquietudinibus hujus vitæ liberat, & quandam immutabilem, satis amabilem statum importat.

Hoc itaque tributum, hoc officium est hominis, præcipue in Religione Deo consacrati; hoc ejus status & obligatio postulat, ut mortificationi assidua intendat. Hoc Religiosi officium, hæc obligatio ex Christi Domini verbis clarè colligitur. Matth. 16. 14. Si quis rult post me venire, me sequi, vitam meam imitari, meus esse discipulus ac famulus, abnoget semetipsum: Hoc ab illo requiro, hoc ei officium injungo; quod nisi præstiterit, servus meus & discipulus esse nullatenus poterit. Colligitur deinde ex verbis Apostoli: Qui Christi sunt, carnem suam crucifixierunt cum vitiis & concupiscentiis. Ad Galat. 5. Qui Christi milites sunt, ut explicat S. Anselmus. Ejusque spiritu aguntur, vivunt, ac militant; hi carnem suam cum vitiis & concupiscentiis, id est non tantum virtus & concupiscentias; sed ipsam quoque carnem corruptam, quasi somitem concupiscentiarum castigant, mortificant, crucifigunt,

per

Pekinger
Collection

XVI

per jejunia, cilicia, labores & poenitentias. Id qui negligunt, non sunt Christi, milites, & famuli, sed mundi carnisque mancipia. Omnes quidem Christiani Christi sunt, & Christum sequuntur, sed plurimi a longe tantum. Religiosi verò penitus & omnino Christo oblati & consecrati sunt per vota suarū; & propius Christum sequuntur, ac proinde, plus quam mundani, se abnegare & carnem cum concupiscentiis crucifigere tenentur. Ea de causa S. Joannes Climacus, Monachus, (id est Monachi vitam) definit, perpetuam naturae violentiam. Hoc, ait nostrum pensum est, hoc munus nostrum, hac militia nostra, vim ipsi nature inferre: per nos regnum celorum vim pati debet: nam violenti rapiunt illud. Idem S. Augustinus verbis disertis stabiliter serm. 13. de verbis Domini. Hoc, inquit, est opus nostrum, in hac vita, actiones carnis spiritu mortificare quotidie, affigere, minuere, fricare, inferire, itac est actio nostra, hec militia nostra. Quemadmodum operari munus est, assidue laborare, & militis officium est constanter pugnare contra hostes: ita quoque vita, & occupatio Religiosi est, gladium mortificationis indolenter stringere, contra passionum & vitiorum assultus strenue dimicare; fedus, inducias, aut armistitium nullum cum illici pangere, sed continuò affigere, minuere, fricare, interimere: quod nisi faciamus, nulla tranquillitas cordis, nulla pax Religionis, nulla mentium malitia speranda est, sed mera fluctuum pugnae & collisiones, meret tempestates exspectandas erunt.

Deinde addit S. August. l.c. Nobiscum quoque loquitur S. Petrus dicens: In his vo-

cati est, quia Christus passus est pro nobis relinquens exemplum, ut sequamur religio eius, ximirum, ut sequamur Iesum, abnegantes nos meritos, & tollentes crux nostram. Hoc est, non solum officium, sed opus nostrum desideria saculi opprimente, regare appetitum; truncare omnem motum uitare: Sicut enim, qui aliquam artem exercitur, instrumenta illis querit: sic nos instrumenta perfectionis, scilicet paupertatem, castitatem, obedientiam querimus: quia perfectionem & mortificationem exercere proponit nobis est, tanquam proprium officium & professio. Ad quid enim relinqueremus res omnes, si desideria retinere licet: nonne foret ridiculum ac stultum renuntiasse mundo, & ipsum avide cupiscere, & rumpi votis, pro iis, quae mundi sunt: hoc ipso enim quod relinquerimus, materiam, & ipsas cupiditatem relinqueremus tenemur.

Denique idem Magnus Doctor ratione discursum suum concludit: Quo ratione nostri officii & propositi, non utrum debemus res, sed & cupiditatem riducere, & vincere desideria carni & saeviae, & quidquid secundum naturam est, un secundum spiritum & gratiam. Hac ratio nostra, hac professio, hoc officium; & nihil haec vocatione sublimius, nihil haec proficere dignius, nihil hoc officio honoratus, nihil felicius. Haec tamen D. Augustinus, sicutur nihil dignius, nihil honoratus illo officio, sanè minimè illud à Religiosis negligendum erit, cum milites, opifices, operarios alacritatē tantā officio suo fungantur, eoque probé expleto latentur & gloriantur.

II. Officium & Status Societatis JESU postulat continuam mortificationem. Liquet id perspicue ex verbis S. Pauli 2. Corinth. 4. 10 ubi ait: Semper mortificationem JESU in corpore nostro circumferentes; ut & vita JESU manifestetur in corporibus nostris. Cum enim nos, quodquod Societati JESU nomen dedimus; JESU vita imitationem proficeamus; nos quoque JESU crucifixo, mortificatione ac mortuo, in vita, gemitique imitarinecessit est, ne nudum sine omni nomen circumferamus. Semper ergo, velut loquitur S. Ignatius, continuo JESU mortificationem, & abnegationem imitamus: Ut & vita JESU manifestetur in nobis. Scilicet hic vita sancta, vita mortificata ac domita, similius que vita fortis letitia, alacris ex forti, vegetoque spirituum etiam in futuro saeculo, vita beatissima, manifestetur in carne nostra mortali. v. 11.

Ratio autem ulterior; semper mortificationem JESU in corpore nostro circumferendi; motusque pravos & concupiscentias tubigendi ex fine vocatiois nostra, & ex ipsa Societatis JESU vita deponit. Si enim hoc officium est Religiosorum omnium, quanto magis Religiosorum Societatis, quibus incumbit, vitam Apostolicam imitari, & quovadis conversari cum proximo? Nisi hi se strenue semper abnegent, vitiis scabebunt innumeris, officioque suo minimè facient satis: ut praeclarè monet R.P. Claudio Aquaviva, quintus Societas nostra Praepositus Generalis, Epist. 2. §. 8. Quod si hac cura, inquit, (af- fidue frangendi nimios animi motus) religiosis virtu necessaria est, quanto tandem

magis iis, qui opitulando aliis, in hominum casu, quas in acie versantur? Nam ut praudenter disserit S. Chrysostomus L. 3. de Sacerdot. In hisce hominibus, et bellua (sic vitiosas animi affectiones appellat) papuli multò plus habent. Superbia enim laudibus & honoribus alitur, qui suscep- tione consequuntur concionandi munus, li- teraturāmque & altarum rerum tractatio- nem, qua hominum oculi patent. Invidia aliena existimatione & fama inflamma- tur, trasiqua nobis se opponat. Quamob- rem ejusmodi Christi milites, necesse est gloria contempnere esse, cetero que animi motus subactos, in sua ditio- ne ac potestate habere. Quare idem Chrysostomus l. c. ait: Ut ignū metallū probet; ita Cleri (in quo est Societas) ex- acta probatio mortalium animos sacernit, sc- que internoscit. A si quis est vel gracundus, vel pusillanimus, vel gloria appetens, vel ar- ragans, vel alio quovis morbo obsefus, id omne detegit, & latentes statim morbos

NB vocatos,

Pekinger
XVI

vocatos, nunc pescatores, nunc ovium pastores, alias agri, vinearum cultores appellat; nisi ut palam faciat non oportere eos detrectare labores, sudores, vigilias, non sectari otium, non desidiam, sed plurimas mortificationes ac molestias ultra subire; nec non spiritualia contra tartareas phalanges, hominum animos obdidentes, armis jejuniorum, vigilarum, & orationum crebro usurpare. 3. Curnam Salvator illos misericordi & pera, sine viatico & pecunia, appositissime contentos esse iussit; nisi ut gula, & sensualitati frenum injicerent; nec praetextu necessitatis, hospitibus disfliciles se ullâ ratione præberent, aut secum ea, quæ delicias redolent, & ab apostolico rigore aliena sunt, sibi nimia sollicitudine, ferrent. 4. Iisdem de causis permisit illos famem premi, ut ipsas inedia levanda causa velere cogerentur, idque sabbatho, id est, die festo. Et cum eorum animos laboribus fessos post missione in solitudine recrearet; nihil ad vietum tot personarum inventum est, præter panes hordeaceos & pisticulos paucos, quos illis apposuit. Ita nullo non tempore Discipulos suos in abnegationis schola optimus Magister exercevit.

Quin & continua mortificationis usum ipse Dominus exemplo suo constanter docuit, non in omni solum vita, sed vel maxime tempore prædicacionis, vitam trahendo in penuria, in laboribus plurimis, in iteribus, in humicubationibus; non enim habebat, ubi caput reclinaret; in fame & siti, in sudoribus & fatigationibus: Nam Joan. c. 4. Cum fatigatus sedaret ad fontem, con-

versioni Samaritana intentus, jamque hora esset sexta, id est, secundum homologiorum nostrorum taxin, duodecima, & fame pressus apostoli, coemptis obliis, ad refo cilandum corpus, invitauit hinc veribus: Rabbi manduc: ipse repausit. Ego cibum habeo manducare, quem non necessitas: meus cibus est ut faciam voluntatem Patris mei, ut perficiam opus ejus. Nimirum tanta Dei Patris glorie fame & animarum siti premebat, ut per illa quevis corporis incommoda non sentiret.

Eundem quoque mortificationis continua & commodorum propriorum hæc Spiritum à Christo hausere Apostoli, attestante S. Paulo 2. Cor. 11. In laboribus plurimis, in labore & aratura, in fames & siti, in jejuniis mulieribus, in frigore & nuditate. Ha erant ipsorum deliciae, hæc pediae, & tragemata Apostolica. Quod si pro occasione, commoda aliquadmittere necesse erat, Apostolicum verbum non ignorabant: Scio abundantiam penuriam pati: ut nimirum abundans non disolvatur animus; sed ita virtus integratæ pro occasione consulerent, ut eas ipsas ad maiores labores & dolores deinde conferrent.

Non absurilis mortificationis continua genius eluxit in Indiarum Apostoli S. F. Xaverio, qui eo usque excerebat, ut teste P. nostro Oliva in Concio quapiam de ipso, mortificationem maximam haberet, si cœ carerer. Illustrissimo quoque hujus abnegationis speculum præbet nobis Hispania in R. P. Antonio Sanchez Anno 1601. in Civitate Xerez in obsequio pestiferorum gloriose defuncto. Venit is ad Societatem Hispalensem.

pali anno aetatis 32. atque ad Tyroci-
nium Montillam missus, ibidem viribus
omnibus ad sumum perfectionis ap-
petitum connivit est, fervore tam ardentia,
tamque continuo mortificationis & af-
flictum studio, ut illud admiratus
Tyronum magister quælibet aliquan-
do: Quidlibet volunt tam insolita mor-
tifications & penitentia? Cui Pater. Si
jumentum quodpiam bene pastrum in
diversorio, postquam longam quietem, in
viam prosequendam eductum, langu-
de incederet, & segniter; nonne mere-
tur calcaribus & virginari ad pro-
grediendum? Atqui jumentum ejus-
modi corpus meum est, quod in seculo
bene pastrum, & longa quiete deses ad
currendam perfectionis viam, neccesse
habet ejusmodi stimulis & verbere ad
curlum incitari.

Quod
qua ad
m ver-
dare &
dam
viriam
rentia
dolores
cont
posto-
cieve-
acione
in ma-
lifite
culum
tonio
e Xa-
onioe
n His-
pali

Neque hunc mortificationis continua
fervorem, cum fine Tyrocinii, more
nonnullorum depositit, sed magnis au-
xiliis incrementis, novas & novas
corpis domandi artes & praxes adin-
veniens, corpus a capite ad calcem fla-
gollis cædebat ad horrem audien-
tium: si quando ictus falleret, increpans
semetipsum, canem commerita flagra
declinantem appellabat. Lavans scu-
tellas, aut ollas, immittebat manus ad
cubitum usque aqua calentissima, ro-
gatique qui posset tantum ardorem
fuisse, reponebat: Et quomodo pessum
ardores suffire sempiternos? Alias brachis
supponebat candelam ardente, sequi
increpans dicebat: Adurere porce, adure-
re. Ad parcissimum, vilissimumque ci-
bum, præter aquam nihil unquam ad-
mittebat, monitusque ne id ficeret: va-

letudinis & senectutis causâ: respondit:
Si perdomare abstinentia non possum
canem hunc mortuum: bibendo vinum
quomodo illum subjugabo? Atque ita
strenue, constanterque à Tyrocinio ad
obitum usque mortificationis continua
& penitentia rigidæ studium adhi-
buit.

Hujus igitur uti & SS. Apostolorum
atque in primis Christi Domini nostri
exemplis ferventiores Tyroneis in bo-
no proposito, & usu moderato mortifi-
cationis pergant, tepidiores sese exci-
tent; ut officio suo ritè fungantur: non
licet quidem adeò inuitatas, absque ex-
pressa Superiorum licentia suscipere au-
steritates, qua admirandæ potius, quam
imitandæ proponuntur, sed in leviori-
bus occasionibus, quotidie occurrenti-
bus, internis præsertim animi moribus
& passionibus, mortificationi continua
studendum est, quoad fieri posse, (ut in
Regula ad discretionem insinuandam
additur) Hoc enim, ut diximus, offi-
cium, pensumque & Religiosorum
omnium: hoc Regula & Professio no-
stra exigit, & vel maximè in Societate
JESU, in qua cum proximis agendum
nobis est, & vitam Apostolorum imi-
taticrem, innumeris laboribus, mole-
stis, difficultibus ac mortificationi-
bus implicata amplexi sumus; adeo-
que cum illis connexam, & necessariè
colligata, ut absque iis Religiosi &
Socii JESU nomine indigni futuri si-
mus, ac velut sylvestentes & ramis, sto-
lonibusque redundantes arbres fru-
ctum exiguum, aut propè nullum pro
Dei gloria & animarum salute rela-
turi.

Nn 2 REGULA